


musokyuy'is tyuk

kotzänhkuy unekoroyaram tzyapyajpapä ore yä México nas'omo.



Personajes: (1) Nhka'e: niño, (2) Kujkpujara: anciano protector de la comunidad. (3) Tajpi: águila: educación. (4) Koya (conejo): salud. (5) Kak (jaguar): identidad cultural. (6) tzat (serpiente): inclusión. (7) pyäpatzuwe: mujer que arde (en la historia adquiere forma de lagarto).



Nhka'e

Guion
Carlos Raúl Rivero Padilla

Ilustración y diseño editorial
Karina Martínez Merino

Versión en zoque
María Felipa Rueda Cordero

Coordinación y edición
Norberto Zamora Pérez





Ya'ajk, sokak'mana yä nasakopajk, äjtzi pät'se oyu iritzi. Umi nyatzu, yäti nhkojampatzi myumu jujtze ijtuse yä tiram yä nasakopajkäsi. Myumu jujtzye ijtyajuse yä kä'pätntam kotzokyajpatzi wuäkä sunyi te ijtämä yä nasakopajkäsi.



Muspa mij nhkotzäktamä.
Jikistam muspa te kätzäktamä,
muspa ma ntä nhkentamä ¿mij
muspa jujtze kotzänwuy nä ijtu
myotzy y'une'ankä?



Anhkmakyuytäjkomä
tzajmatyajutzi ke wüä
anhkmatyamätzi y teserike wüä
nä ijtamä sa'sa'ajkuy.

Wiyunsere. Mijtzi nä
ijtu sonerampä
kotzänhkuy. ¿jutzy
nhketpa Tajpi?



Wiyunse ¿mijte
ntäwuä te
Kujkpuyjara?

Tajpi

Jujtze jitau, äj näyi Tajpi. Äjtzi
näjkpämyupyitzte kotzänwuy
anhmakuy'koroya, wüäkä
myumurampä une'istam nyä
ijtya'ä anhmakyuy.

Te yomo, anhkmatyampapäis
anhkmakyuytäjkomä tzajmäjtäytz
ke myumu jütze ijtause uneram nä
ijtautzi wiyunsepä kotzänwuy wuäkä
musä anhkmatyämätzi, tekoroya
wuä mak'tamätzi
anhkmakyuytäjkomä.



Wiyunsere, te anhmakyuy
jintire wuäkä myawüä
anhkmakyuytäjkomä.
Wuä ntä tzäjktamä
eyarampä tiram.



¿Jintire te mawüä
anhkmatyäjkomä?

Jine, te anhmayahä, te
wyiyunsepä anhmakyuy
jintiri wuäkä te mawüä
anhkmatyäjkomä. Syupa
ntä tzäjkan'ä eyarampä
tiram.



Äj mayi nämpa ke yä ijtkuy jene
ne kyajku, ke te uneram ne
yenpujtyajupä jinam tzapyae
y'ore tzapyajpapä jyara'istan.







Wiyiyunse ne ntä tzaptau anhkamakyuy...
teserike jenere wüäpä ntä nhkomustämä
myumu juro yaj jyajkyajpamä yaj
kätyajpamä myumupä tiram tukjpapä yä
nasakopajkäsi. Tese ntä mustampa ti ne
tyujku yä mäja nas'omo, muspa ntä
nhkokipstämä jusjzete ntä yaj wuajtamä
ntä ijtkutym y tese eyarampä'i's
musyajkera.

¿Te internet'se?



Te ratiuram, te yaj
jakpapä keneram, te
jakyuy juro
yisan'sajaypamä
myumu tiram
tujkpapä emä,
teserike te
totojayeram
tzaman'wuajkyajpamä
myumupä ijtkuy
tujkpapä yä nas'omo.



¿Äj'tam nä ijtautzi
ratiu?



Jää. Yäsepä tähnkuy anke juro ijtu, ntä
kukpuy'omoram te ratio nimeke yaj
yojsyajpa, tese myusyajpa myumu tiram
ne tyäjkupä yä nasakopajkäsi.



Te anhkmakyuytäjkomä
tzamanwuajkayaju tire te wyiyunsepä
anmakyuy, tzajmayaju ke wuä ná y'ro
sa'sa'ajkuy. Ntä joka maka wuejetzi äj
täwuä Koya te'is maka te kotzäktame.

¡Koya!



Wyiyunse, te kotzänwuy
nunpapä ke wuä ntä nä
ijtamä sa'sa'ajkuy supapäre
nämä ka te ka'eajtampa te
tzäyuyokyuytäjkomä
muspa te kotzäktamä.



Koya

¡Tejepure!

Te kotzänwuy nunpapä ke wuä ntä nä
ijtamä sa'sa'ajkuy jintire te syupa tzamä,
jintire ka te ka'eajtampa, teserike sutpa
tzamä ke wuä ntä nhkutamä wuärampä
kutkuy, yaj ijtpapä'is yä nasakopajk'is,
sunyi ntä tzeramä ntä kä'ram, te
mäjtätyämä wuäkä ntä sis sunyi
pyämpääkä. Teserike syupa tzymä ke
muspa ntä yaj yostamä ntä neram
tzäyuyokyuy, ke muspa ntä
nhkorostamä y ntä ujktamä te
wuatziserampä, ayjserampä o
täpsrampä.

Ntä neram
tzäyuyokyuy...



Tesepä yosykuy te kotzäkpa wüäkä
ntä nä ijtamä sa'sa'ajkuy y teje musä
ntä tzäyutyamä ntä nhkakuy, te ntä
neram tzäyuyokyuy ntä ijtkuy'omo
ijtu, teis pyämi tzipa wüäpä ijtkuy ntä
kukpuy'omoram.

Te musokyuy ntä neram
tzäyuyokyuy'isnye peka
ijtkuy'is tzyajku, ntä
anhkuram'iste tzyajkyajupä
tekoroya wüäpäre ntä
nhkomustamä.

Ntä neram
tzäyuyokyuy... äj
täwuä'isnyese y'apä.
Te'is ja nyä y'iro tumä
tzäyuyäkyuytäjk,
¿tesepä tzäki te
tzäyupya?




¡Jää!







Tumtumjama syupa ntä
jamemintamä te wuäpä ijtkuy,
ntä nääjtämä wuärampä
tzoyuyäkyuy, ntä nhkutamä
wuapä kutkuy, sa'sa käkyajupä.
Teserike wuäpäre te mäjtzä,
kasäjpa te y'iro wuäkä teje sunyi
ntä jamtamä ntä wit.



Äj kukpuy'omo, tunmtum tzayi, äjtam käwänt
määtäyampatzi tzama'omo y wenen'omo äj
jara'istam näätyampatzi näämä y jinhko
sumtampatzi.




Tesepä tzäki jene wuä ntä tzäkä, teje sunyi
anjampa mij wit, te jaj tzyinktenpa. Teserike
syupa jameri tzäkä ne tzäjkupä tiyo wuäkä
jana parä toy.









Äj näyi Kak, nhkokijpatzi te kotzänwuy ntä ijtkuy'isnye
tzyajkyajupä ntä anku'istam, yä kotzänwuy ntä nä ijtpa
tzyajkyajuankä ya'ajktampä päntam te peka
ijtkuy'omo. ¿Muspa tiyo syupa tzamä?



Jine, äj sutpana musä
tesepä tiram.

Te kotzänwuy ntä
ijtkuy'isnye
tzyajkyajuankä ntä
anku'istam jintire
tumäpä, ijtyaju sone.




¿Tujkpase ntä sa'sa'ajkuy'isnyese?

Tesemero



Ntä ispäjktampa te peka ijtku,
myumu jujtzye yijtkuytam te
ore tzapyajpapä
kukpuy'omoram teserike
wyan'jamýäkyuy'omo.
Tumtämä kukpuy nyä ijtpure
nye' yijtkuy, teomo yaj
yisan'sajyajpa jujtzye
kyojamýajpa yä nasakopajk,
nimekere wuäpä tesepä ijtkuy.
Teseri ijtpa sonerampä peka
ijtkuy yä nasakopäjk'omo.








Mijtzykoroya tumtum jama'anhkä nä ijtpa jinan jame, mij ijttkuy'omonte ijtpä. Nä ijtu'anhkä yä tzäma mij sutpa te kápántam ijtyajupä yäki teserike nimeke sutpa myumu tiram ijtyajupä yäki, te kujtyam, jääram, täp, myumu tiyo te tzipapäis yä nasakopajk. Te tzipa'anhkä myumäpä tiyo ntä nasakopajk terike yä tzama's ntä anhkuistan tziyaju wüäpä musäkyuy te tzäyuyajpapä päntam y yomoran wüäkä musä tzäyuyaä tyäwuäran, teserike jiomekyajpa peka tzameram tzapyajpapä ntä apäistam.


¡Tejepure! Te kotzänwuy ntä ijtkuy'isnye syupapäre tzyamä jana ntä jampuramä ntä ijtkuytyam tzyajkyajupä ntä anku'istam, myumu te musäkyuy tzyajkyajupä wyiyunsepä musäkyuytye, teserike syupa ntä nhkokentämä myumu tiram ijtyajuse yä nasakopajkäsi.

Ni'is ji musi nyäjma tzakä mij ijtkuy ka mijtzi jin suni; tente te kotzänwuy ntä ijtkuy'isnye tzyajkyajupä ntä ankuis. ¿Nem nhketu jujte te kotzänwuytyam nimeke tämuyajupäre makyajpa, jin musi tzajkyarää?



Wiyunse tesepure. Äjtzi tekoroja majkpatzi Ocelotl: äjtam näjkämyutyampatzi te kotzänwuytam yäram tumämakyajpa. Äjtzi nhketpatzi wuäkä myumupä pät jujtze ijtyajuse yä nasakopajomo nyä ijtyao kyotzänwuy y pyojkiktzäkyao ankejuro.





Pyojkintzyäkyao myumuse jujtye ijtyajuse
päntam nimekere syupa ntä tzäkä, yä
nasakopajkäsi ijtyaju sone ketyajpäpä päntam.
Wuäkä muso sunyi te ijtamä myumu jujtye te
ijtause wuä ntä ispäjktamä ntä un ijtau
kotzänwuy, wuäkä ni'is nhkisa.

¡Te anhkmakyuy ntä oreomo te pyäjkinhtäkyuy syupa yisansanjo! ¡Tesarike te ratiuram ijtyajupä ntä kukpuyomo!



¡Wiyyunse tejepure! Ntä äjtyaram ntä njitau tumä kotzänwuy juro nämpamä wuä yaj kätyao myumupä tiram ne tyäjkupä yä nasakopäjkäsi myumu jujzye ijtyause tähkuy kutpamä te tzameran tzamanwuajkyajpapä yäsepä tiyo. Wuä ntä mustamä ti ne tyäjku emo, teje ntä äjtyo muspa ntä nhkokipstämä ntä ijtkutyam: ka yajpa tejepä tiyo, ji musi yiro päjkintzyäkyuy.



Yäti näjkyäyümäjtzi tikoroya te kotzänwuytam metzy makyajpa tumä'omo. Ka ji ntä nä ijtame kotzänwuy te eyarampä motzi'ayajpa.





¡Tekoroya nimeke wüä ntä
mustamä tipä kotzänwuy ntä
nä ijtau!

Ni'is ji musi yaj tzunja ntä
kotzänwuy, ka mij wyiyunse
ispäjkpa muspa nhkokipä.
Tekoroya wüä ntä mustamä y
ntä kokijptamä.

Ntä täwuä'istam nimeke
te tzajmayajun juzty wüä
te ijtamä. Yuskoroya Kak,
yuskoroya Tzat. Nimeke
ntä nhkotzäktau.





Kajsäjpatzi
näjkyäpya'ankä tikoroya
jene wüä ntä ispäjktamä
ntä nhkotzänwuytyam.
Nema tzäyu tumä
kotänwuy nimekepä wüä
ntä jamemino.




„Mij ne sutu tzamä
wuä kajsujpa te
ijtamä?



Tumä wuäpä ijtkuy ntä yaj nä
ijtpa tumä ijtkuy kajsujpa,
tekoroya syupa ntä nä iro te
kotzänwuytyam.

Mij kukpuy'omo, mijtam, nä ijtau
nä' te nä nemeke ntä yaj yospa
wuäkä ntä nä ijtamä wuäpä ijtkuy:
yaj yojsyajpa nipi'koroya, wuäkä
ntä pänäyao te pänäkyuytyam,
wuäkä ntä ntänhkka, te'is ya ijtpa
wuäpä ijtkuy. Ka te yaj
tzunhkayajpa, ne te jaj
tzänhkayaju ntä kotzänwuy.




Ka ji ntä tzäjktame myumu te
tiram mij tzäjmayupätzi, ¿Muspa
ntä nä ijtamä wuäpä ijtkuy?



Jine. Wuänse jana
ntä nä ijtamä kutkuy.

Tumä ijtkuy jana kotzänwuy'jin
jinte tumä ijtkuy wuäpä y ji te iri
kajsujpa.







Jameminä. Ka ntä ispäjktampa ntä
kotzänwuy supa wyiyunse ntä yaj
anhkimtamä ntä ntawuā's kyätzänwuy y
teserike ntä nhkokijptamä.

¡Jujtzyectiyo te
istantujpa!
Yuskorayan nimeke
ntä isantziu'ankä.



Mayi ¡Ji ma wuanjame
ti tujku!



Lic. Adelfo Regino Montes
Director General del Instituto Nacional de los Pueblos Indígenas

Mtra. Bertha Dimas Huacuz
Coordinadora General de Patrimonio Cultural, Investigación y Educación Indígena

Mtro. Antonio Agapito Vidal
Director del Programa de Apoyo a la Educación Indígena (PAEI)

Itzel Maritza García Licona
Directora de Comunicación Social

Saúl Vicente Vázquez
Director de Asuntos Internacionales



Sr. Frédéric Vacheron
Representante de la Oficina en México

Sra. Gabriela Velázquez
Sector de Comunicación e Información

Decenio Internacional de las Lenguas Indígenas
México, 2020